

Útkomið í A-deild Stjórnartíðindanna 1950.

Bráðabirgðalög um skyldu bæjar- og sveitarsjóða til að greiða uppbót á laun skólastjóra og kennara við barnaskóla, undirskrifuð af handhöfum forsetavaldsins 16. júní 1950, nr. 67.

Bráðabirgðalög um breyting á lögum nr. 22/1950, um gengisskráningu, launabreytingar, stóreignaskatt, framleiðslugjöld o. fl., undirskrifuð af forsetanum 30. júní 1950, nr. 68.

Auglýsing um viðskipta- og greiðslusamning milli Íslands og Tékkóslóvakíu, undirskrifuð af utanríkisráðherra 21. júní 1950, nr. 69.

Auglýsing um að forseti sé kominn heim og tekinn við stjórnarstörfum, undirskrifuð af forsætisráðherra 29. júní 1950, nr. 70.

Auglýsing um viðskiptasamning milli Íslands og Ungverjalands, undirskrifuð af utanríkisráðherra 13. júlí 1950, nr. 71.

Auglýsing um löggilding nýrrar lyfjaskrár, undirskrifuð af heilbrigðismálaráðherra 14. júlí 1950, nr. 72.

Bráðabirgðalög um greiðslu launauppbótar, undirskrifuð af forsetanum 19. júlí 1950, nr. 73.

Auglýsing um þátttöku Íslands í Evrópuráðinu, undirskrifuð af utanríkisráðherra 10. marz 1950, nr. 74.

Bráðabirgðalög um breyting á lögum nr. 30 1. febrúar 1936, um breyting á og viðauka við siglingalög nr. 56 30. nóvember 1914, undirskrifuð af forsetanum 12. ágúst 1950, nr. 75.

Bráðabirgðalög um breyting á lögum nr. 48 25. maí 1949, um hlutatrygginga-sjóð bátáutvegsins, undirskrifuð af forsetanum 19. ágúst 1950, nr. 76.

Bráðabirgðalög um heimild fyrir ríkisstjórnina að ábyrgjast allt að 2 250 000 króna lán til útgerðarmanna, er stunda sildveiðar á þessu sumri, undirskrifuð af forsetanum sama dag, nr. 77.

Bráðabirgðalög um útreikning vísitölu framfærslukostnaðar, undirskrifuð af forsetanum 29. ágúst 1950, nr. 78.

AUGLÝSING

169

2. ágúst

um breyting á reglugerð fyrir vatnsveitu í Keflavík, nr. 173 12. sept. 1945.

1. gr.

9. gr. reglugerðarinnar orðist þannig:

Af öllum húsum í lögsagnarumdæmi Keflavíkurkaupstaðar, sem svo er ástatt um, sem um getur í 8. gr. reglugerðar þessarar, skal greiða kr. 100.00 — eitt hundrað krónur —, af hverju húsi og auk þess 0,75% af fasteignamatsverði þeirra.

Tengigjald skal vera kr. 200.00 — tvö hundruð krónur — fyrir hvert hús, og auk þess 1% af fasteignamatsverði þess.

Fastagjaldið greiðist um leið og sótt er um eða leyfi er fengið fyrir tengingu, en fasteignamatsgjaldið, þegar húsið hefur verið metið.

2. gr.

I. 11. gr. 1. liður orðist þannig:

Fyrir vatn til hafnarinnar greiðist 20% af söluverði þess vatns, sem höfnin afhendir eða kr. 1.50 fyrir smálest eftir mæli.

169 II. 6. liður sömu greinar orðist þannig:
2. ágúst

Af hverri bifreið í lögsagnarumdæmi Keflavíkur greiðist árlega:

Af vörubifreið kr. 150.00.

Af atvinnu-fólksbifreið kr. 75.00.

Af einka-fólksbifreið kr. 30.00.

Af bifreiðum utan lögsagnarumdæmisins greiðist sama gjald, ef þær stunda atvinnu í Keflavík og hafa afgreiðslu á bifreiðastöð í lögsagnarumdæminu, og ber viðkomandi bifreiðastöð ábyrgð á innheimtu gjaldsins.

Reglugerðarbreyting þessi, sem bæjarstjórn Keflavíkurkaupstaðar hefur samið og samþykkt, staðfestist hér með samkvæmt vatnalögum, nr. 15 20. júní 1923, til þess að öðlast þegar gildi, og birtist til eftirbreytni öllum þeim, sem hlut eiga að máli.

Félagsmálaráðuneytið, 2. ágúst 1950.

F. h. r.

Jónas Guðmundsson.

Hallgrímur Dalberg.

170
2. ágúst

AUGLÝSING

um breyting á reglugerð fyrir vatnsveitu Hríseyjarkauptúns, nr. 88 18. júní 1950.

3. gr. reglugerðarinnar orðist svo:

Vatnsskatt skal greiða af öllum húseignum á vatnsveitusvæðinu, þeim er vatn nota og 2. gr. heimilar, og má eigi fara fram úr 1,8% af fasteignamatsverði hversrar húseignar. Aukagjald má leggja á þá, sem nota vatn til annars en heimilisþarfa og gjaldskrá nær eigi til.

Reglugerðarbreyting þessi staðfestist hér með samkvæmt vatnalögum, nr. 15 20. júní 1923, til þess að öðlast þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 2. ágúst 1950.

F. h. r.

Jónas Guðmundsson.

Hallgrímur Dalberg.

171
2. ágúst

GJALDSKRÁ

fyrir vatnsveitu Hríseyjarkauptúns.

Vatnsskattur skal vera sem hér segir:

1. liður. Frosin síld	kr. 0.50 fyrir tn.
2. — Söltuð síld	— 0.50 — —
3. — Fiskur saltaður og hertur	— 1.00 — skpd.
4. — Bátar, er stunda veiðar frá landi, greiði af aflu ..	— 0.50 — —
5. — Vatnssalerni	— 20.00 — hvert
6. — Baðker	— 20.00 — —